

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje,
nauku i mlade



Босна и Херцеговина
Федерација Босне и Херцеговине
КАНТОН САРАЈЕВО
Министарство за образовање,
науку и младе

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11-05-38-43190-40/19
Sarajevo, 19. 12. 2019. godine

SKUPŠTINA KANTONA SARAJEVO
n/r Elmedin Konaković, predsjedavajući Skupštine
-OVDJE-

PREDMET: Odgovor na zastupničko pitanje broj: 01-05-43190-40/19 od 13. 12. 2019. godine, dostavlja se

PITANJE:

Zastupnik Damir Marjanović je na 16. Radnoj sjednici Skupštine Kantona Sarajevo, održanoj dana 11. 12. 2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo postavio zastupničko pitanje vezano za rješavanje problema prekovbrojnih učenika u OŠ „Aleksa Šantić“.

- „Da li je tačna informacija da je upisani broj učenika u JU OŠ „Aleksa Šantić“ veći od dozvoljenog“?
- „Da li se prilikom upisa učenika poštuje odluka o školskom području Općine Novi Grad“?
- „Da li je tačno da prostorije u kojima se odvija dislocirana nastava OŠ „Aleksa Šantić“ u objektu JU „Djeca Sarajeva“ na Mojmilu, ne zadovoljavaju uvjete propisane Pedagoškim standardima i normativima za osnovnu školu“?

ODGOVOR:


Zahvaljujemo se na zastupničkom pitanju upućenom Ministarstvu za obrazovanje, nauku i mlade Kantona Sarajevo.

Koristimo priliku da Vas informišemo da JU OŠ „Aleksa Šantić“ nije mogla upisati veći broj učenika od dozvoljenog broja, jer se upis učenika vrši u skladu sa Pedagoškim standardima i općim normativima za osnovni odgoj i obrazovanje i normativima radnog prostora, opreme, nastavnih sredstava i učila po predmetima za osnovne škole u KS („Službene novine Kantona Sarajevo“, broj: 22/18).

Član 54. Zakona o osnovnom odgoju i obrazovanju („Službene novine Kantona Sarajevo“, broj: 23/17, 33/17 i 30/19) propisuje da Ministarstvo na prijedlog općinskog vijeća na čijoj je teritoriji škola, utvrđuje školsko područje za svaku školu, također, istim članom je propisano da se na osnovu odobrenja ministra, u školu može upisati i učenik koji ima prebivalište na području druge općine na teritoriji Kantona, odnosno Bosne i Hercegovine. Obavještavamo Vas da je u skladu sa navedenim članom 54. Ministarstvo pozitivno odgovorilo na sve zahtjeve roditelja, a u vezi dostavljanja saglasnosti za upis djece u školu izvan školskog područja.

U vezi Vašeg trećeg pitanja želimo Vas informisati da je Ministarstvo iniciralo i sa direktoricom škole „Aleksa Šantić“ dogovorilo da se prostor JU „Djeca Sarajeva“, koji duži niz godina koristi škola „Aleksa Šantić“ vrati ustanovi, kako bi se smjestio veći broj djece sa liste čekanja, ali nažalost aktivnost nije realizirana. Kako nas je direktorica škole izvijestila aktivnost nije bilo moguće realizirati jer su roditelji vršili pritisak i nisu dozvoljavali da se prostori vrati JU „Djeca Sarajeva“.

Ministarstvo će i dalje u saradnji sa školom insistirati da se prostor vratiti u posjed vlasniku. Prema saznanjima iz škole, prostor na Mojmilu je namijenjen za realizaciju odgojno-obrazovnog rada sa djecom predškolskog uzrasta i problem se pojavljuje prilikom realizacije nastave Tjelesnog i zdravstvenog odgoja, jer isti nema adekvatnu fiskalnu salu.



Dostaviti:
1. Naslovu
2. a/a



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

